



Broj: 02-04-262-2/23

Datum: 25.09.2023. godine.

Na osnovu Odluke o prodaji službenih motornih vozila putem javnog nadmetanja - licitacije metodom prikupljanja zatvorenih pismenih ponuda, broj 02-04-262/23 od 25.09.2023. godine, JU Direkcija regionalnih cesta TK objavljuje:

### OGLAS

#### **o prodaji službenih motornih vozila putem javnog nadmetanja - licitacije metodom prikupljanja zatvorenih pismenih ponuda**

#### **I PREDMET PRODAJE**

Predmet ovog Oglasa je prodaja osnovnih sredstava – dva službena motorna vozila u vlasništvu JU Direkcija regionalnih cesta TK i to:

| R.br: | Marka i tip vozila          | Količina | Godina proizvodnje | Snaga motora | Zapremina motora | Predeni kilometri | Oznaka motora | Broj šasije            | Procijenjena /početna cijena (KM) |
|-------|-----------------------------|----------|--------------------|--------------|------------------|-------------------|---------------|------------------------|-----------------------------------|
| 1     | Škoda Superb Style 2.0 TDI  | 1        | 2016               | 110          | 1968             | 204516            | CRL27<br>1468 | TMBAH7NP4H7<br>028902  | <b>18.299,30</b>                  |
| 2     | Škoda Octavia Style 2.0 TDI | 1        | 2017               | 110          | 1968             | 205351            | CRM29<br>3047 | TMBAJ4NE7H01<br>374000 | <b>13.334,75</b>                  |

#### **II KRITERIJUMI ZA PRODAJU**

Prodaja vozila se vrši metodom javnog nadmetanja putem zatvorenih pisanih ponuda po početnoj cijeni dobijenoj procjenom vrijednosti vozila od strane ovlaštenog Škoda servisa „Auto servis Omerčić“ doo Gradačac.

Vozila se prodaju po načelu „viđeno – kupljeno“, te kupac nema pravo na naknadne prigovore i reklamacije po pitanju kvaliteta, stanja, funkcionalnosti, izgleda, skrivenih ili drugih eventualnih nedostataka motornog vozila.

Kriterijum za izbor najpovoljnijeg ponuđača je najviša ponudena cijena za navedeno motorno vozilo, koja ne može biti manja od početne prodajne cijene/vrijednosti vozila

#### **III PREGLED VOZILA**

Motorna vozila koja su predmet prodaje mogu se pregledati u sjedištu Direkcije u Tuzli na adresi Albina Herljevića 43, svakim radnim danom od 10,00 h do 14,00 h, ali po predhodno upućenom pozivu kontakt osobi iz Direkcije – Fedo Delibegović na telefon 035/281-500.

#### **IV PRAVO UČEŠĆA**

Pravo učešća u postupku javnog nadmetanja – licitacije, imaju sve pravne i fizičke osobe, koje prije utvrđenog roka za licitaciju izvrše uplatu depozita u iznosu od 10% početne vrijednosti vozila. (1.830,00 KM za vozilo pod rednim brojem 1, odnosno, 1.330,00 KM za vozilo pod rednim brojem 2).

Uplata depozita vrši se na blagajni JU Direkcija regionalnih cesta Tuzlanskog kantona, Albina Herljevića 43, Tuzla, do isteka roka za podnošenje prijave na javni oglas. Novčani iznos, uplaćen na ime depozita, bit će vraćen onim ponuđačima, koji ne budu izabrani na javnom nadmetanju.

Pravo učešća u postupku javne licitacije nemaju zaposleni u JU Direkcije regionalnih cesta TK, kao ni članovi njihove uže porodice.

#### **V SADRŽAJ PONUDE**

Ponuda mora sadržavati:

- za fizičku osobu – popunjen i potpisan Obrazac za cijenu ponude, kopiju dokaza o uplaćenom depozitu;
- za pravnu osobu – popunjen, potpisan i pečatom ponuđača ovjeren Obrazac za cijenu ponude, original ili ovjerenu kopiju izvoda iz sudskog registra - ne stariju od tri mjeseca od roka za predaju ponuda, kopiju dokaza o uplaćenom depozitu

Ukoliko jedan učesnik daje ponudu za više vozila dužan je za svako vozilo dostaviti posebno ponudu.

Ponuđene cijene trebaju biti iskazane u KM. Cijena ponude dostavlja se na Obrascu za cijenu ponude dostupan za preuzimanje na internet stranici Direkcije [www.judctk.ba](http://www.judctk.ba) ili na protokolu JU Direkcija regionalnih cesta TK.

#### **VI DOSTAVLJANJE PONUDA**

Pisane ponude dostavljaju se u zatvorenoj koverti putem pošte ili neposredno na protokol JU Direkcija regionalnih cesta TK, adresa: Albina Herljevića 43, 75000 Tuzla, sa naznakom „NE OTVARATI – Ponuda po javnom oglasu za prodaju službenih motornih vozila putem javnog nadmetanja – licitacije“

Krajnji rok za dostavljanje ponuda je 05.10.2023. godine do 15:00 sati.

U obzir će se uzeti samo ponude koje, bez obzira na način dostave (poštom ili lično), budu zaprimljene na protokolu Direkcije do navedenog roka.

Ponude ispod početne cijene neće biti uzete u razmatranje. Ponude koje su dostavljene po isteku roka za dostavljanje, bit će neblagovremene i vraćene ponuđaču neotvorene.

#### **VII POSTUPAK JAVNOG NADMETANJA**

Javno otvaranje ponuda provest će se komisijski dana 06.10.2023. godine u sjedištu Direkcije, sa početkom u 11:00 sati.

Otvaranju ponuda imaju pravo prisustvovati ponuđači i predstavnici pravnih osoba, koji su ovlašteni za učešće u postupku licitacije, uz ovlaštenje, odnosno, punomoć.

Ponude koje ne ispunjavaju tražene zahtjeve iz javnog oglasa, kao i ponude sa cijenom nižom od početne cijene, neće se uzeti u razmatranje.

Ukoliko dva ili više ponuđača ponude istu cijenu, koja je ujedno i najviša cijena, pobjednikom javnog nadmetanja, biće proglašen ponuđač, koji je po datumu i vremenu prijemnog štambilja protokola Direkcije, ranije dostavio ponudu.

Ako se na javni oglas javi samo jedan ponuđač čija je ponuđena cijena ista ili viša od početne cijene/vrijednosti vozila, isti se proglašava pobjednikom javnog nadmetanja.

## VIII OBAVEZE KUPCA - PONUĐAČA

Po završetku postupka javnog nadmetanja, Direkcija će zaključiti kupoprodajni ugovor sa odabranim ponuđačem u roku od 7 (sedam) dana i istom će biti vraćen uplaćeni depozit, nakon dostavljanja dokaza o izvršenoj uplati punog licitiranog iznosa za kupovinu motornog vozila.

Ako ponuđač ne pristupi sklapanju ugovora o kupoprodaji ili ukoliko nakon zaključenja ugovora odustane od njegove realizacije, uplaćeni depozit mu se neće vratiti. Direkcija zadržava pravo dodijeliti ugovor prvom sljedećem ponuđaču sa liste uspješnih ponuđača.

Odabrani ponuđač dužan je da za kupljeno motorno vozilo uplati puni iznos kupoprodajne cijene u roku od 7 (sedam) dana od dana obostranog potpisivanja ugovora, sa naznakom svrhe uplate „Kupovina motornog vozila putem javnog nadmetanja“, na jedan od depozitnih računa, koji će, zajedno sa uputsvom za uplatu, blagovremeno biti predodčen izabranom kupcu.

Po izvršenoj provjeri uplate kupoprodajne cijene na ime kupovine predmetnog vozila, prodavac će telefonskim putem obavijestiti kupca o prijemu sredstava na račun, a kupac je dužan preuzeti vozilo koje se nalazi na parking u Direkcije, u roku od 5 (pet) dana od dana prijema obavještenja o provedenoj uplati i odjavi vozila.

Troškove prenosa vlasništva, transporta kao i sve druge troškove snosi kupac.

Prodavac neće davati garanciju u pogledu stanja, funkcionalnosti, izgleda i kvaliteta, skrivenih ili drugih nedostataka.

## IX OBJAVA OGLASA

Tekst Javnog oglasa i propisani obrazac za cijenu ponude, bit će objavljen na internet stranici JU Direkcija regionalnih cesta TK [www.judctk.ba](http://www.judctk.ba) kao i skraćena verzija oglasa u dnevnom listu Oslobođenje, koji se distribuira na teritoriji Bosne i Hercegovine.

  
DIREKTOR  
Zijad Omerčić, dipl.pravnik